

FLUMENTÒRGIU - PORTU DE PRAMA - ARBUS

1930 - CUNCODRADURA DE SA PISCA



FOTOGRAFIA: unu carru tragau de is bois a s'intrada de sa bidda, in cussu tempus imperau po su trasportu de is personas, de provistas e de totu su chi serbiat a sa tonnara.

In su mesi de Martzu, inghitzàt sa stagioni de sa pisca.

Is primus chi arribbànt fiant is maistus de barca chi trabballànt asuba de sa flota de barcas chi teniant abbisòngiu de trabballus.

Apustis arribbàt sa Ciuma de mari, fata de prus o mancu 80 personas chi formànt is èchipàgius de is barcas fatas de piscadoris de Carloforti e Calaseta; fabricànt fintzas is arretzas, chi pigànt de su magasinu e spraxiant in pratza de su Palatzu po ddas misurai, coxiri e aconciai.

A s'acabbu de abrili arribbànt is chi depiant trabballai su piscau, sa Ciuma de terra, chi trabballàt po 50-60 diis.

Totus is barcas chi s'imperànt in una tonnara po fai is fainas chi bandant de su calai a su pesai is arretzas e is chi pertocant totus is partis de sa pisca ddis narant "barcareccio".

Custu "barcareccio" fiat fatu de prus de 15 barcas, canotus, barcas pitias e barcas mannas.